

Zum andern rühmet er sich. **Lieblich mit Psalmen Israel.** Das ist / Er hat diese gewisse verheissung vom Messia / nicht bey sich / oder allein für sich / behalten. Denn der glaub ruget vnd feiret nicht / Er feret heraus / redet vnd prediget von solcher verheissung vnd gnade Gottes / das ander Leute auch dazu komen / vnd der teilhafftig werden / Ja für grosser freude fesshet er an / tichtet schöne süsse Psalmen / singet / liebliche lustige Lieder / damit zu gleich / Gotte frölich zu loben vnd zu dancken / Vnd auch die menschen nützlich zu reitzen vnd zu leren. Also rühmet hie David auch / das er habe / viel schöner / süsser / lieblicher Psalmen / von dem verheissen Messia / gemacht / die man zu lob Gott / in Israel singen solt / vnd auch gesungen hat / Darinnen zu gleich auch treffliche weissagung / vnd hoher verstand dem volck Israel / gepredigt vnd gegeben ist. Vnd da solch tichten der Psalmen David anfang / vnd in schwanc bracht / wurden dadurch viel andere erleucht vnd zu Propheten erweckt / die auch dazu holffen / vnd schöne Psalmen machten / als die Kinder Korah / Demian / Assaph zc.

Denn er meint nicht allein / die lieblichkeit / vnd süffigkeit der Psalmen / nach der Gramma

Gramma